

دائرة مخصوصه

درسعادتده باب على جوارنده

محل اداره :

مشرط القلم

اخطار :

مسلكمزه موافق آثار جديده مع المنوويه
قبول اور انور

درج ابدلته بن آثار اعاده اور انور

دينه، فلسفه، علوم، حقوق، ادبيات، سياسيات، وبالخاصه كرك سياسى وكرك اجتماعى ومردنى احوال وشؤون اسلاميه ودينى تحت ايدى ولطفه ده بر نشر اور انور.

آبونه بدلى

سنه لكى

التى آيلنى

ممالك عثمانيه ايجون ۸۰

روسيه » ۶۰۰

سائر ممالك اجنبيه » ۱۷

۴۰ غروش

۳۰۰ روبله

۹ قرانق

تاريخ تأسيسى

۱۰ تموز ۳۲۴

صاحب ومؤسلى :

ابوالعلا زين العابدين - ح . اشرف اديب

درسعادتده نسخه سى ۵۰ پاره در

قبرله دن مقوا بورو ايله كوندريلىرسه سنوى

۲۰ غروش فضله آلير

عدد : ۷۳

۱۵ مجرم ۳۲۸ پنجشنبه ۱۴ كانون ثانى ۳۲۵

اوچنچى جلد

وسر ائره مشحون اولان قوم یهود معبدلرینک حین انشاسنده، سمان نورالهی نازل اولسون دیه آتش یاقارلر ایدی .

آثار ادبیه نك بونقطه نظردن تدقیق و محاکمه سیله الفت ایدلمش اولیدی ، احتمال که انتقاد بر شکل نوین اخذ ایدردی . نوع تفکر اتی تعیین ، حقیقی بر شاعرک یداختیارنده ایسه ده ماهیت الهاماتی تعیین قطعاً دائرة اقتداری داخلنده دکلدر .

شاعر علی الاکثر مکسوب دکل ، موهوب اولان دهاسنک حکمنه تابیدر . انسان شاعر اولمق حیثیته سولدیکی برسوزنه انسان اولمق اعتباریله بعضکره بیکانه قالیر . بوسوز وهله اولی ده غریب کورینور ، فقط بلکده طوغریدر !

نه موطنی اوکیسه یه که دهاء دیمک اولان بویکی قدرتی ذاتنده جمع ایتیش اوله . بویله بر آدم هانکی عصرده ، هانکی مملکتده اولورسه اولسون ، ایستر فلاکت عائله ایچنده ، ایستر اختلال زماننده یاخود بونلرک هپسندن زیاده تأسفه شایان اولمق اوزره - بر دور لاقیدی وقدر ناشناسیده ظهور ایتیش بولونسون ، استقبالندن امین اولمیدر . چونکه وقت مرهوننده ظهوری محقق اولان کزیدکان فطرتنددر . حال یشقه لرینک ایسه استقبال مطلقاً اونمکدر . اوزمان ، ارکچ حلول ایدر . اوفطرت بر کزیده ده ، افکارندن غذاچین ، الهاماتیه ریان اولدینی حالده شاعرک : ای معشر ناس ! ایشته نیم خاورم ، اورایه نصب نکه اعتبار ایدک ! مضمون علویت مکنوتی متضمن اولان سوزینی صوت بلندایله تکرار ایدرک اوجم غفیرک ایچنده اثبات وجود ایدر .

فرید

معهود تاریخ اسلامیه دائر

صراط مستقیم اداره خانه سه :

افندم ، حبشیات دینی می تحریک ایدن دو قنور (دوزی) نك تألیف ایدوب « عبده جودت » نامنده برینک ترجمه ایتدیکی (تاریخ اسلامیت) نام اثرک بر ردیه اولان احتیاجی درپیش تأمل ایدرک علمای کرامه خطاباً بوجه آتی برقچ سوز قارالدم . موافق ایسه صحایف جریده کزله نشری متوقف رأی عالیبردر . ۶ کانون ثانی ، ۳۲۵

علما ومورخین اسلامیه یه

مخوف ، هولناک رؤیا ایله ممزوج بر اویقونک صباح هیجاننده بولونیورم . بوتون مفکرات مدرکه می طویلایور ، تعقل و تصور ایدیورمکه ؛ کوردیکم بر رؤیا دکل ، بلکه بر حقیقت ، بر حقیقت مدهشه ، نهوت ! بر حقیقت مدهشه وهول انکیزکه ؛ (۳۰۰) میلیونلک کتله معظمه اسلامیتک مبنای اساسینی ، معتقدات قدسیه دینه سنک ارکان اصلیه سنی تا تمندن خراب و برباد ایدیور . صوکره بوکا قارشیده بوتون بوجاعت کثیرمک استنادگاه حیاتیه لری ، محافظ مغنویتلری اولان علما و مورخین اسلامیه ده سکوت ایله وقت کچیشدیریورلر .

افسوس ، صد هزار افسوس ! که بر طرفدن ۱۳۰۰ کسور

سنهک بر بنای متین اعتقاده بالطه لور اولورکن ، دیکر طرفدن بو تحریبات وجدانسوز قارشى اختیار سکوت ایله یین علمای کرام وبالخاصه علوم مدونه حاضره یی دینک مزایای علویه سیله توحید اقتدارنده بولنان او فحول اسلامه ، که اولنر بوکون قارشیلرنده النده کی کسکین بالطه سیله قطعاً ره عزمنده مانع لرتصور ایتکسزین ییقوب ، صاووران بر دو قنور (دوزی) یه قارشى مدافعه لزوم عاجلی حس ایتمیورلر .

دور استبداده بولونمش اولسه ایدک ، احتمالکه بویکی مدافعاتک عدم سربستی مطبوعات دولایسیله قابل اولامایه جفنی بیان اعتدارده سرد ایده بیلرلردی . عجباً شیمدی نه معذرت کوستره بیلرلر ؟

شیمدی اوله واسع بر ساحه ، بر ساحه مناقشه ومباحثه مالکز که علم وعرفانندن ، ملیت و دیاتی ، محافظه خصوصنده رهبرک ایتمکدن استنکاف ایدن مقتدرین مدخوللر صره سه قید ایدیه بیلر .

(دوزی) نك تتبعات تاریخیه سندن بر قسمی (تاریخ اسلامیت) نامی تحتنده تدوین ایتدیکنی کورن هر متحرى حقیقت قابنده بر حس جستجو پیدا اولویور . عجباً اجنبیلرک اسلاملر حقنده کی تدقیقات تاریخیه لرله ، بزمکیلر آراسنده نه فرق وار ؟ دیور .

نهایت بو آرزویه تابع اولوبده اوتاریخی اوقویانلر کوزویورلرکه ؛ اجدادیمزک قرن حاضره قدر بزه قیمتدار بر هدیه مغنویه اولمق اوزره اتحاف ایله دکاری ره مستقیم دیانت پارچه لانیور ، تملمدن صارصیلیور . اکر قاره ، اعتقاد تامه یه مالک وبالنسبه ده تاریخه واقف ایسه اونک عنسدنده بو روایات واقوال پک اوقدر تأثیر ایده میور . یا معاذ الله ! بوخصیصه دن محروم ایسه بردن بره فریفته فکر اجانب اوله رق طوتا کلدیکی طریق حقیقت اتمای دیاتی صالیوریور ، ده طوغریبی نظرنده بر حقیقت صورتنده تجلی ایدن واقوال مورخی احکام قدسیه اسلامیه نك هر برینک مفسوخیتی ، اصلسزلغنی اثبات ضمنتده برر دلیل وشاهد مقامنده ایراد ایدیور .

ای علما ومورخین اسلامیه ! مقصد جلیلکز ملت اسلامیه یی بویله کوزلریکز قارشوسنده عمان بی پایان رفضیته سوروکلمش کورمک دکلدر ، دکلکی ؟

سز بوکون راهبر اصحاب دین وایمان طانیلدقچه هر فردک سزدن برحق استیضاحی اولدینی کی بنده اولمقن بالاستفاده سزدن صمیانه استرحام ایدیورمکه : (۸۰۰) صحیفه یی متجاوز اولان اوتاریخه بلکه (۱۸۰۰) صحیفه لک بر جواب ، وثائقه مبتنی ، اعتماد شایان دلائل ایله موشح ومزین بر جواب شافی ویرلسونده اوزمان شیمدی یه قدر احکام متینه اساسیه سیله پایدار اولان بو دین جلیل اسلامک نام بلندی بوتون اجانبه وحتی بویکی خصوصاتده اجانبه تبعیت ضعف حسیله متحسس اولانلرده امداد ایدلمش اولسون .

الا ، بوسکوتکیز نظر السیده وانظار مسلمینده الی یوم القیامه باعث شین وحجالت اوله جقدر .

سلانیک : اوده مثلی

م . رفیق